

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第四五冊

閩中沿革表・二
福建內地府州縣總圖
廣東攷古輯要・一

學苑出版社

PDG

(清) 王捷南編 清道光十九年刻本

閩中沿革表・二

漳州府

漳州本泉州地垂拱二年析龍溪南界置因漳水爲名初置於今漳浦縣西八十里開元四年改移就李澳川卽今漳浦縣東二百步舊城是十二年自州管內割屬福州二十二年又改屬廣州二十八年又改屬福州乾元二年緣李澳川有瘴遂權移於龍溪縣置卽今州理是也

元和郡縣志

案開元十三年福州置都督府領福泉建漳潮五州此云自州管內割屬福州謂隸都督府也十二年當作十三年爲是福州舊名閩州景雲二年置

閩州都督府漳州已隸之不自開元十三年始詳見總表唐書方鎮表開元二十二年漳潮二州隸嶺南道蓋隸嶺南五府經畧討擊使經畧治廣州故云改屬廣州然至天寶元年漳潮始還福建十載復屬嶺南上元元年復還福建大祿六年祇以潮州歸嶺南而漳州遂留不改諸書皆不見有開元二十八年改屬福州事二十八年與天寶元年相去不遠或是二十八年奏請而天寶元年始改耳乾元當是貞元之誤見下文

唐嗣聖元年廣寇陳謙等連結諸蠻攻潮州左玉鈐

衛翎府左郎將陳元光討平之請置一州於泉潮之
間以抗嶺表遂析福州西南境置漳州并於其地置
漳浦縣以屬之開元四年耆老余恭納等以其地多
瘴癘請徙治李澳川二十八年析漳浦縣置懷恩縣
二十九年省懷恩入漳浦而以泉之龍溪來屬大祿
十二年析汀州龍巖縣來屬貞元二年從觀察使盧
杞之請閩中記作
盧謹誤徙治龍溪八閩
通志
案嗣聖三年卽武后垂拱二年據元和郡縣志懷
恩縣亦是垂拱二年置此云開元二十八年誤貞
元二年徙治龍溪與輿地紀勝所引圖經合

漳州垂拱二年十二月九日置天寶元年改為漳浦
郡舊屬嶺南道天寶割屬江南東道乾元元年復為

漳州

舊唐書
地理志

案天寶元年福建經畧使領長樂建安清源臨汀
漳浦潮陽六郡並隸江南東道特於漳州言之者
對上嶺南道立文也

漳州垂拱二年九月置

唐會
要

漳州漳浦郡下垂拱二年析福州西南境置以南有

漳水為名并置漳浦懷恩二縣

唐書地
理志

案垂拱二年福州尚名泉州此云析福州者據後

所改名追書耳輿地紀勝作析閩州西南境然閩州是景雲二年所改在垂拱之後當依元和志作泉州爲是

天寶領縣二漳浦龍溪

舊唐書地理志

案開元二十九年廢懷恩縣割泉州龍溪縣來屬漳州領縣三漳浦龍溪近置龍巖

通典

案大和十二年割汀州龍巖縣來屬故云近置龍巖是時仍首列漳浦則元和志以徙治龍溪在乾元二年疑未確也當從圖經

圖經云興元二年刺史柳少安請徙治龍溪貞元二

年勅從之

輿地紀勝

案八閩通志作從觀察使盧杞之請此作刺史柳少安疑所奏有先後也

下漳州唐末爲閩王氏所有石晉時入南唐

輿地廣記

後晉開運二年南唐主以董思安爲漳州刺史思安

以父名章南唐改漳州爲南州

資治通鑑

晉開運中留從効據泉南二州宋建隆三年從効卒

陳洪進有其地始奉宋正朔乾德四年復爲漳州太

平興國三年洪進納土析泉州長泰縣來屬凡領縣

四

八閩通志

元至元十六年改爲漳州路至治中析龍溪漳浦龍巖三縣地置南勝縣至正十六年改爲南靖縣至正八年立漳州分元帥府二十二年漳州行中書分省右丞羅良據其地二十六年陳友定取之

八閩通志

案漳州行中書分省右丞閩書作福建行省叅政兼守漳州路

皇朝洪武元年改漳州路爲漳州府領縣如故成化四年析龍巖地置漳平正德十二年析南靖地置平和嘉靖八年析漳浦地置詔安四十四年析龍巖大田永安地置寧洋縣隆慶元年析龍溪漳浦地置海

澄凡領縣十

閩書

漳州府洪武元年爲府領縣十龍溪漳浦龍巖長泰

南靖漳平平和詔安海澄寧洋

明史地理志

大清一統志漳州府領縣七舊領縣十雍正十二年升龍

巖縣爲龍巖州割漳平寧洋二縣隸焉

龍溪縣

龍溪梁置

隋書地理志

案梁置縣時當屬晉安郡八閩通志云梁天監中

置閩書云梁大同四年置大同四年去天監二十

餘年未知孰是而漳州府志引嘉定志以爲大同

六年置嘉定本已久佚府志殆舊志相傳語耳

龍溪縣因龍溪為名九龍山山下有水名九龍水

太平

寰宇記

望龍溪縣梁置屬南安郡

輿地廣記

案此云梁置則是而繼以屬南安郡則非南安郡

陳時所置梁未有南安郡也辨見總表

龍溪縣陳分晉安縣置屬南安郡後屬閩州

元和郡縣志

案龍溪縣梁置而此云陳置者蓋以陳光大中置

南安郡龍溪自晉安郡改屬故致誤耳後屬閩州

語不晰陳置南安郡時閩州已改為豐州南安郡

總隸豐州而龍溪屬南安郡如故也

隋開皇九年屬泉州

八閩通志

案此泉州今福州隋平陳廢晉安建安南安三郡置泉州大業初改泉州爲閩州三年復改閩州爲建安郡龍溪並屬之

建安郡龍溪開皇十二年省蘭水綏安二縣入焉

隋書

地理志

唐龍溪舊屬泉州聖祿二年屬武榮州景雲二年還

泉州開元二十九年屬漳州

舊唐書地理志

案聖祿以前所屬之泉州今福州也景雲以後所

屬之泉州今泉州也不宜加一還字唐武德五年置豐州六年置泉州豐州今南安與陳之豐州別貞觀初始省豐州入泉州武榮州卽武德中所置之豐州豐州未省之時龍溪必不能越南安而屬舊泉州此屬泉州大約據貞觀以後言之

唐嗣聖十六年屬武榮州州尋廢縣還屬泉州十七年復置武榮州縣仍屬焉景雲二年改屬泉州開元二十九年始來屬貞元二年徙州治於此宋元仍舊國朝因之○貞元二年一本作乾元初恐誤

八閩通志

案嗣聖十六年卽武后聖祿二年十七年卽武后

久視元年

漳浦縣

漳浦縣垂拱中析龍溪南界置

元和郡縣志

漳浦垂拱二年十二月與州同置州所治

舊唐書地理志

漳浦本與龍溪地同垂拱二年於龍溪立郡因而析

置以隸焉

太平寰宇記

案州治移於龍溪在貞元二年垂拱二年州治卽在漳浦此誤

望漳浦縣唐垂拱二年置爲州治開元四年徙治李澳川故懷恩縣與漳浦同置二十九年省入有九侯

山李澳溪

輿地廣記

漳浦中下開元二十九年省懷恩縣入焉

唐書地理志

唐嗣聖三年始置漳州於梁山之下而置漳浦縣於漳水之北以屬開元四年徙州治於李澳川縣從之宋元仍舊國朝因之○漳水之北今地名雲霄

八閩通志

案舊唐書志輿地廣記皆以垂拱二年所置漳浦爲州治此言州在梁山之下縣在漳水之北似州與縣爲兩地攷漳浦故城在今縣南八十里方輿紀要云唐初置縣於此爲漳州治在梁山之下地名雲霄其南漳水出焉因名漳浦又引舊志云唐

垂拱中陳元光開屯漳水北卽屯所雲霄地爲漳
州治丁氏記謂州治梁山西嶺盤陀之陰據紀要
漳浦故城卽州之治所無疑矣貞元後州移治龍
溪此爲屬縣

南靖縣

南靖縣本龍溪漳浦龍巖三縣地元至治中以其地
險遠難於控馭遂析置南勝縣在九圍礮山之東至
元三年畚寇李勝等作亂殺長史晏只昌時同知鄭
晟府判喜春會萬戶張哇哇討之失利邑人陳君用
襲殺勝遂徙治於小溪瑄山之陽至正十六年縣尹